



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XC. De Obsidione Castrorum Kunnigsberg, Cruceburgk & Bartenstein.

urn:nbn:de:hbz:466:1-11850

*Poppo de Osterna VI. Magister Gen. Ordinis Teut.
Hartmannus de Grunbach V. Mag. Provinc. Prussiae.*

ginis, & vulnerantes ipsum graviter, aliqui in fugam conversi sunt, alii capti vel occisi.

CAP. LXXXIX.

De

Desolatione Castri Helisberg.

NON longè postea Prutheni cum tribus exercitibus & tribus Machinis & instrumentis aliis bellicis Castrum Helisberg Episcopi Warmiensis obsederunt. In quo obsessi fame cogente CCL. equos & eorum cutes comederunt. Tandem deficientibus omnino victualibus, relicto Castro, secretè recesserunt usque ad Civitatem Elbingensem, ubi obsidum XII. Pruthenorum, quos secum duxerant, omnium eruerunt oculos & ad Parentes suos remiserunt.

CAP. XC.

De

*Obsidione Castrorum Kunnigsberg,
Cruceburgk & Bartenstein.*

FILII ergò Belial videntes, quod omnia succederent eis ad votum, cogitaverunt, & locuti sunt nequitiam, iniquitatem in excelso locuti sunt super populum tuum, Domine, cogitaverunt consilium adversus sanctos tuos, dixerunt: venite, disperdamus eos de gente, nec memoretur Israhel ultra. Ut ergo populum tuum, Domine, usque ad internecionem delerent, convenerunt, & Castra Kunnigsberg, Cruceburg & Bartenstein obsederunt: In circuitu cujuslibet tria propugnacula firma & vallata pluri-

Bb 2

mis

mis armigeris viris bellicosis, & in armis strenuis construxerunt. Itaque non patebat aliqua via intrandi aut exeundi obsessis: Quot autem impugnationes, quot pericula, quot inedia, quot defectus intolerabiles obsessi fratres & alii in dictis Castris sustinuerunt, nullus ad plenum sufficeret enarrare. Compulsi enim fuerunt, postquam oves & boves, porcos & vaccas & equos plures non haberent, comedere pelles eorum, summam necessitate ipsos ad talia perurgente. Tanta fuit in hoc cibo inconveto pellium duritia, ut multi fratres Comedentes eas dentibus sunt privati.

CAP. XCI.

De

*Fratre Helmerico Magistro terræ
Prussia An. MCCLXII.*

FRater Helmericus terræ Pruschia Magister VI. præfuit III. annis, & sepultus in Ecclesia Colmensi. Hoc tempore præfuit Marschalcus Terræ Pruschia Fr. Theodoricus vir in armis strenuus & in Christo devotus.

CAP. XCII.

De

Desolatione Castri Resela.

FRatres de Castro Resela audientes, quod Castra Kunnigsberg, Cruceburg & Bartenstein essent à Pruthenis obsessa, timuerunt valdè & post multa consilia variosque tractatus habitos Castrum in Cinerem redigentes, per occultas vias solitudinis recesserunt. &c.

CAP.